



越城縣廣勝寺

太宗新譯三藏聖教序 李日經經莫

太宗神功聖德文武皇帝製

大矣哉我佛之教也化道羣迷闡揚  
 宗性廣博宏辯英彥莫能究其旨精  
 微妙說庸愚豈可度其源義理幽玄  
 真空莫測包括萬象譬喻無垠綜法  
 網之紀綱演無際之正教拔四生於  
 苦海譯三藏之秘言天地變化中陰  
 陽日月盈虧乎寒暑大則說諸善惡  
 細則比於恒沙含識萬端弗可盡述  
 若窺像法如影隨形離六情以長存  
 歷千劫而可久須彌納藏於芥子如  
 來坦蕩於無邊達磨西來法傳東土  
 宣揚妙理順從指歸彼岸菩提愛河  
 生滅用行於五濁惡趣極溺於三業  
 途中經垂世以難窮道無私而永泰  
 雪山貝葉若銀臺之耀日歲月煙蘿  
 起香界之自遠巍巍罕測杳杳難名  
 所以道資十聖德被三賢至道起於  
 乾元眾妙生乎太易摠繁形類數鑿  
 昏明絕彼是非開茲蒙昧有西域法  
 師天息災等常持四忍早悟三乘翻  
 貝葉之真詮續人天之聖教芳猷重

啓運偶昌時潤五聲於文章暢四始  
 於風律堂堂容止穆穆輝華曠劫而  
 昏墊重明玄門昭顯軌範而彌光妙  
 法淨界騰音利益有情俱登覺岸無  
 成障礙救諸疲羸冥昧慈悲浩汗物  
 表柔伏貪佞啓滌昏愚演小乘齊聞  
 合其儀論大乘正覺立其性含靈悟  
 而蒙福藏教缺而重興幻化迷途火  
 宅深喻難設其教不知者多善念生  
 而無量潛臻惡業興而隨緣皆墮調  
 御四眾積行十方澍花雨於金輪護  
 恒沙於玉闕有頂之風不可壞無際  
 之水弗能漂澄寂湛然圓明清淨之  
 智慧性空無染妄想解脫之因緣可  
 以離煩惱於心田可以得清涼於宇  
 宙朕慙非博學釋典微聞豈堪序文  
 以示來者如燄燈燭火不足比之於  
 皎日將微蠹量海未能窮盡於深淵  
 者哉

繼作聖教序

御製

高明肇分三辰方乃序其爰厚載初  
 定萬彙於以發乎端清濁之體既彰

善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏觀

太宗神功聖德文武皇帝法性周圓仁慈普布化靈猶則萬邦輻湊躋蒸民於仁壽之鄉崇教法則四海雲從惠蒼生於富庶之域見尊經之浩汗設方便以救沈淪知法界之恢宏行精進而攝懈怠乃擇其邃字校彼真文命天竺之高僧譯貝多之佛語象管翻成於金字珠編復置於琅函龍宮之聖藥惟新驚嶺之苾芻仰歎由是三乘共貫四諦同圓盡苦空真正之言顯秘密精研之義讚相相乎實相論空空乎盡空華嚴之理合軌輟金像之教同規矩朕續嗣玉構恭臨寶圖常翼翼而撫托民每兢兢而守先訓以至釋典尤未精詳諒其幽深

曷能探測有譯經西域僧法賢奏章懇切致意專勤以

先皇帝大闡真風高傳佛旨興前王之墜典振覺路之頽綱欲旌天造之功庸用廣

聖文之述作請予製序繼聖教焉自聖考上僊追號罔息政事之外何暇經心今已禪除思臻微奧雖幼承慈誨柰夙乏通才焉窮乎法海之津涯莫造乎空門之闡域略敷大意以徇輿情蹄涔不足擬浴日之波尺蠖豈能量昊天之影聊述短序以紀聖功者焉

### 佛說福力太子因緣經卷第一

佛說福力太子因緣經卷第一

尔時世尊從本座起詣安陀林於一樹下晝日棲止宴寂而坐是時諸苾芻衆於其園林別會一舍依次而坐所謂尊者阿難尊者聞二百億尊者阿泥樓駄尊者舍利子如是等諸苾芻衆既共集會乃相謂言世間人衆何所修作多獲義利尊者阿難言色相行業若人修作多獲義利尊者聞

佛說福力太子因緣經卷第一

二百億言精進行業若人修作多獲義利尊者阿泥樓駄言工巧行業若人修作多獲義利尊者舍利子言智慧行業若人修作多獲義利如是說已咸作念言我等今者言說差別不相齊等所謂各各建立最勝若以此義往問世尊必為我等隨應宣說如其所說我等奉持何以故世尊大師能斷疑故是大悲者譬如日光燭諸幽暗以一切智破諸疑惑解除苦網救度有情令歸正道等現有情猶如一子一切法中而得自在以一切法作大利益大牟尼尊能與一切息諸疑惑佛常勤為解除疑結是故我等宜共往問時諸苾芻互言議已欲往見佛

是時世尊在於林中以淨天耳過於人耳聞苾芻衆以如是事集會議論即從三摩地起詣苾芻所時諸苾芻前迎世尊設座奉請佛就座已告苾芻言諸苾芻向聞汝等共相議言世間人衆何所修作多獲義利初阿難言色相修作多獲義利聞二百億言

精進修作多獲義利阿泥樓駄言工巧修作多獲義利舍利子言智慧修作多獲義利如是說已又起念言所說差別不相齊等所謂各各建立最勝若以此義往問世尊佛必為我隨應宣說如其所說我等奉持是事云何諸苾芻白佛言誠哉世尊我等向者為以此緣集會議論願佛今時開決疑惑

尔時世尊為發此緣說伽陀曰

色相工巧與精進 智慧於中為最勝 若諸有情修福田 所獲福果又極勝 說是伽陀已復告苾芻言諸苾芻或時有人於色相等若隨修作非一切種一切時多獲義利若修福力於一切種及一切時多獲義利諸苾芻如福力者我不見有一法而諸有情隨修作已多獲義利何以故諸苾芻我念過去世時有王名曰眼力安止王城善布國政威神廣大安隱豐樂人民咸感其王有后名曰廣照色相殊妙人所樂見彼廣照后後於一時與王同會嬉戲娛樂由戲樂故誕生一

子容上端嚴人所樂見殊妙過人具天色相而彼太子生廣植妙色相因由彼具足殊妙色相是故今為立名色力如是次第乃至其後別生三子彼第一者精進具足第二工巧具足第三智慧具足

復次苾芻彼廣照后最後復有一子託陰是日忽然其王宮中種種珍寶自天而降復有微妙種種莊嚴珠寶露幔俱時出現覆王后上時眼力王見是希有殊特事已中心異之即召相師而詢問言今此希有殊特之相其故云何相師對曰大王當知王后有子託質聖胎其子大福具大威德當具名稱王聞語已復生驚歎乃至後時其廣照后忽起思念乃作是言大哉我今欲乘上妙師子之座覆以白蓋及須寶拂即以此事具白於王王聞其言心生歡喜勅令周徧清淨嚴潔宮城內外如其所欲悉為辦造又復一時彼廣照后忽起思念乃作是言我今往彼大金寶聚踞於其上隨意舉手自取金寶普為一切廣行

布施使匱乏者財寶豐盈以事聞王王隨所作又復一時彼廣照后忽起思念乃作是言使哉我今欲令釋放一切禁繫以事聞王王隨所欲勅令內外釋諸禁繫

又復一時彼廣照后忽起思念乃作是言使哉我今欲遊園林以事聞王王隨所欲使淨園林令其觀賞又復一時彼廣照后忽起思念乃作是言使哉我今於此宮屬多人眾前以如是事發誠實語若我真實有福報者惟願天人速疾奉我殊妙莊嚴勝師子座我若得已處其座上廣為人眾宣說法要如是言已顯俟諸天降希有相以事聞王時眼力王即於宮中勅令周徧清淨嚴潔所有王城內外一切人眾悉著淨衣及妙嚴飾各持異香華鬘咸來集會時廣照后以眾嚴具殊妙嚴飾宮嬪眷屬侍從圍繞出詣眾前相好莊嚴其猶天女一切人眾咸所瞻仰俱生歡悅是時王后於諸有情隨起慈心仰瞻虛空

以其真實加持力故說伽陀曰  
天主人主及解脫 是三福力若最勝  
由此真實我今時 願天速布師子座  
說是伽陀已即時忽然天降勝妙師  
子之座及散妙華空中諸天悉皆胥  
悅時彼人衆見是希有殊特事已咸  
生愛樂俱共歎異說伽陀曰  
希有大福大力能 一切世間今供養  
人間所欲天能成 彼天福力為勝上  
時廣照后心生歡喜處師子座昇是  
座已即時大地六種震動其師子座  
從地踊起住虛空中高七人量復有  
種種殊妙珍寶莊嚴露幔覆於座上  
彼諸人衆見是福力瑞相殊特生欣  
樂意各以所持異香華鬘供獻王后  
合掌肅恭以利益心居前而坐聽受  
其語  
時眼力王見是事已極大歡悅與諸  
官屬合掌肅恭依次而坐  
今時廣照后即說伽陀曰  
人當修作諸福因 如彼所作勿間斷  
隨其樂欲施作時 由福藏故獲妙樂  
說是伽陀已空中自然有聲讚言汝

今善說最上善說又復空中奏天微  
妙可愛音樂其眼力王與諸人衆聞  
說伽陀時自然天降殊妙衣服及莊  
嚴具各墮其身王及人衆即以所降  
衣服莊嚴前奉王后異口同音作是  
讚言善說善說即時王后從師子座  
自空徐下安處于地今時天樂即隨  
停止復奏人間所有音樂王及人衆  
咸生尊重廣供奉已悉皆歡喜時廣  
照后迴入宮中既入宮已彼師子座  
空中隨隱時諸人衆顯明觀見如上  
瑞相歡喜讚言奇哉福力具大威德  
奇哉福力是甘美果  
今時廣照后處于宮中諸所思作皆  
悉止息乃至其後滿足十月日初出  
時誕生太子色相端嚴人所樂見即  
時大地六種震動於其宮內空中自  
然雨七珍寶王城內外徧一切處悉  
雨種種天妙衣服及雨最上悅意妙  
華處處所有華樹果樹開敷結實觸  
處布灑霏微甘雨四方徐起調適和  
風太子生已安處于地即時四大天  
王以其威神忽然地裂涌出上妙衆

寶莊嚴勝師子座以奉太子帝釋天  
主以天妙蓋及衆寶拂持覆其上切  
利天衆雨天妙衣及寶露幔又或雨  
其種種珍寶或莊嚴具或妙衣飾或  
天妙華或復末香塗香華鬘或天音  
樂出妙歌音毗首羯磨天子以天神  
力王城內外除去一切荆棘沙礫布  
以綃帛珠瓔莊嚴豎立微妙衆寶幢  
幡徧灑清淨旃檀香水周匝安置諸  
妙香瓶散種種華乃至一切悅意施設  
復次有百大象從曠野中自然來入  
王宮住於厩舍復有百牛來于田里  
不以耕耘自然依時一切種子具足  
成熟  
復次於其師子座下有五大藏衆寶  
充盈顯開其門隨取給用終不能盡  
又復今時所有一切怨對有情於須  
臾間慈心相向  
今時太子以宿命力神通威德生已  
即時觀察四方說伽陀曰  
人當修作諸福因 如彼所作勿間斷  
隨其樂欲施作時 由福藏故獲妙樂  
是時空中別有一類天衆見此廣大

上 第十二 惠字  
神通威德希有殊特福力事已皆生  
歡悅深心愛樂為其發起福威力故  
說伽陀曰

四大王天諸天子 初利天宮天主等  
彼諸福力極可愛 見此勝福復忻樂  
時眼力王與其宮嬪侍衛眷屬耆舊  
目佞等顯觀如是吉祥勝相咸生歡  
異作如是言奇哉太子有大福力奇  
哉太子具大名稱今人中生乃有如  
是天中吉祥廣大勝相俱時出現時  
王歡喜憐愛子故勅主藏者汝今應  
開我之庫藏廣出一切所有金寶我  
當為施所有一類善祝願者使彼皆  
得財寶豐盈令其為我妙善稱讚廣  
作福事然復願我生生廣集吉祥勝  
福當為太子安立名字即時謂彼諸  
臣佐言今此太子當立何名近日白  
言大王今此太子現生廣有吉祥福  
力勝相出現是故宜應立名福力即  
時王勅福力為名  
余時王以福力太子授其八母二母  
抱持二母乳哺二母濯浣二母嬉戲  
令彼八母依時養育乳哺濯浣及戲

第六 惠字  
翫等乃至餘諸妙好樂具一切供給  
受用豐足願速成長如淨蓮華處於  
池沼其後太子漸成長已習學諸書  
隨學即能窮究奧妙於刹帝利王種  
族中乃至一切所應學者學悉通達  
而彼太子深信賢善內心清淨一切  
所行自利利他具悲愍者於法自在  
哀拯有情作諸布施無所積集一切  
能捨大捨徧捨無有少分而不捨者  
謂若沙門婆羅門貧窮孤露諸乞丐  
者或有來求自身血肉是時太子於  
乞丐人即起慈心觀如虛空乃作是  
念快哉我今令其乞者得滿所願隨  
即施與況復所有金銀珍寶飲食衣  
服塗香華鬘諸卧具等及餘所欲諸  
受用具願我一切應念出現得已施  
彼一切求者使令意願皆悉圓滿太  
子具是德故名稱徧滿於閻浮提下  
至龍界上徹梵天一切普聞

佛說福力太子因緣經卷第一

佛說福力太子因緣經卷第一

校勘記

- 一 底本，金藏廣勝寺本。一七〇頁中一至三行原版殘缺，以麗藏本換。
- 一 一七〇頁中一行至次頁中一三行兩篇序文，磧、南、徑、清無。
- 一 一七一頁中一四行經名，徑、清作「佛說福力太子因緣經卷上」。卷末經名同。
- 一 一七一頁中一五行譯者，徑、清作「宋西天三藏朝奉大夫試光祿卿傳法大師施護奉詔譯」。卷第二、第三同。
- 一 一七二頁上六行首字「應」，南、徑、清作「意」。
- 一 一七四頁上末行首字「令」，徑作「今」。



佛說福力太子因緣經卷第二

惠

吳郡華亭縣廣勝寺住持 法華 師承 謹識

復次福力太子乃至後時與彼四兄  
 出遊園苑而於中路有無數千針口  
 餓鬼居山半腹容貌羸瘦其猶聚骨  
 福身熾餓鬼衆圍繞人所不見唯福  
 力太子先覩其狀而彼餓鬼合掌居  
 前白太子言汝大福德有大有稱是  
 悲愍者我等飢渴苦惱所逼願今餉  
 我少分飲食我等宿世造慳慳因故  
 此生中墮餓鬼界無數千歲不得水  
 飲沉復於食而可見邪時福力太子  
 仰瞻虛空即起悲念使哉我今若得  
 天降少分飲食當用餉此諸餓鬼衆  
 是時忽然有多飲食自天而降福力  
 太子即以此食餉諸餓鬼彼餓鬼衆  
 宿業力故悉不能見咸作是言太子  
 我昔聞汝是悲愍者何故今時不以  
 飲食餉於我等太子告言我以天降  
 飲食前投汝等云何于今不取食邪  
 餓鬼白言太子我等宿業力故悉不  
 能見時福力太子復起是念愍哉慳  
 慳是不可愛乃作是言若諸福報有

大力能以我如是真實語故令此餓  
 鬼得見飲食一切隨應皆能取食發  
 是言已彼諸餓鬼悉能見食即時各  
 變面相如人福力太子心生歡喜遂  
 以飲食恣其所取彼餓鬼衆既得食  
 已頓止飢渴身力完具壯實充感無  
 醜惡形乃於福力太子各起清淨歡  
 喜之意即時命終皆得生於兜率天  
 上旋處空中白太子言太子我等得  
 生兜率天上皆由汝之威神建立福  
 力太子聞此妙善語已深大慶悅即  
 時前進詣園林中與彼諸兄共會議  
 言世間人衆何所修作多獲義利彼  
 色相具足者言今此世間色相行業  
 若人修作多獲義利何故知邪謂若  
 有人他昔未見見即歡喜昔未信重  
 見已信重如我往昔師尊仙人亦作  
 是說若有具足妙色相者爲人所喜  
 妙色可觀瞻奉愛樂猶如智人樂最  
 上法設諸供養  
 復次精進具足者言非修色相多獲  
 義利今此應知精進行業若人修作  
 多獲義利何以故雖修色相而無精

進豈能現世及他世中獲可意果或謂色相多獲義利者彼是愚人癡見所覆如我所說精進行業於現世中能成可意果者謂猶農夫植種商賈獲利仕者受祿學人通教修習禪定得輕安果皆為現世精進所成諸可意果又此精進於他世中能成可意果者謂生善趣及生天界大富自在現證解脫皆為他世精進所成諸可意果由此一切功德皆以精進而為依止又此精進能治怯弱若運精進無有少法而難成者

智慧雖復相似而不淨妙所起精進若無智慧雖得義利而無有成所作工巧若無智慧雖復營修不能攝持是故應知智慧能成一切事業若人修作多獲義利又此智慧能得色相能成工巧能發精進能獲人中一切妙樂

爾時福力太子熙怡瞻視具智慧者而謂之言如是如是汝言真實所有色相工巧精進若無智慧不能多獲義利故知智慧普能攝持諸如實果仁者然此智慧若無福力諸有所作亦不得成是故實知若人修福多獲義利何以故福是純一果福為光澤果福為可意果福是適悅果如是福果我不能盡說其功德今為汝等使開覺故於福門中說一少分汝等善聽由有福故能獲色相福具精進福得吉祥亦獲大富福具智慧福能歌詠正法功德福具聰利福遊正道福生上族福得宿念福具名稱福圓戒行福能布施福力常得諸根不壞福常快樂有福常受智者所供福完諸力福常會遇善友知識福力能作一切事業謂若耕植田里或復商賈求利少施其功大獲積集富感自在有福即能於思念閒虛空自然雨其衣服飲食珍寶一切具足隨受快樂福獲可意妙好舍宅福於現世及於他生常得殊麗妻女眷屬及財穀等福者所行之地自然無其荆棘沙礫住立平穩福者亦獲廣大身相若有患人福者手所觸時病隨輕差又復福者隨觸於人即能出彼飲食衣服珍寶財穀給用無盡福者常得天龍夜叉羅剎鬼等隨處衛護其猶雨時護苗稼神守護亦然福者常得多人尊重愛樂福有善譽福為人讚福常能具諸善法分福者語言人所信順福者常得光澤可愛福者常出微妙梵音福者身軀自然柔軟福者常發妙善語言福者常值良友智人不壞眷屬福者無病福者為人所愛福獲財利福者勇猛又大福者得為人王無不具足離諸疾病福者常得富感不壞福者獲得轉輪伏藏七寶具足福



太子因緣經卷第二

虛空普於一切有情隨起慈心即發  
廣大真實願言我於此生曾無少分  
不善之業若我所說為真實者願令  
此人手足斷處即於今時支節相合  
平復如故發是言已彼人即時支節  
相合身體完具平復如故太子見已  
意願圓滿即作是念我以勤勇所作  
得成出自身血救此人苦斷自手足  
續其支節又以真實大誓願力使彼  
身命全復如故願我以此最上善根  
成就阿耨多羅三藐三菩提果當以  
法味授於彼人畢竟令住安樂涅槃  
發是願時一切大地六種震動帝釋  
天宮亦復震警

尔時帝釋天主即自思惟此何事相  
而復觀察乃見福力太子作彼最上  
極難行事歡喜歎異又念今此大威  
德者作是難事何所求邪我今宜往  
證驗其故即變婆羅門相自天而降  
住太子前告言太子我向見汝斷自  
手足何所為邪太子答言仁者他有  
苦惱即我苦惱若他快樂即我快樂  
故我向者見一被治罰人甚大苦惱

太子因緣經卷第二

我時乃以真實力故棄捨自身手足  
支分填續其所斷到處願力真誠  
彼獲如故

是時帝釋天主愈生歎異即復奉  
告太子言汝今豈非以不實心或異  
所求或退轉故捨自身邪太子白言  
天主我所棄捨自身手足無不實心  
亦無異求又非退轉帝釋復言汝若  
然者云何使我證知是事太子白言  
天主汝豈不聞如我所作皆真實力  
太子即於一切有情隨起慈心觀察  
四方以實願力說伽陀曰

若我所言是真實 貪愛自身為纏縛  
真實不退轉今時 願我此身即如故  
說是伽陀已太子身即獲如故由  
是空中徧雨天華奏天微妙可愛音  
樂和風徐起現諸瑞相

佛說福力太子因緣經卷第二

甲辰歲高麗國大藏都監奉  
勅雕造

佛說福力太子因緣經卷第二

校勘記

- 一 底本，金藏廣勝寺本。一七七頁下至次頁中原版殘缺，以麗藏本換。
- 一 一七五頁中一行經名，**徑**、**清**作「佛說福力太子因緣經卷中」。卷末經名同。
- 一 一七七頁中一行第七字「怨」，**磧**、**南**、**徑**、**清**、**麗**作「怨」。
- 一 一七七頁中二行「衣飾」，**徑**、**清**作「衣食」。



佛說福力太子因緣經卷第三 惠

西天譯經三藏會集本佛說福力太子因緣經卷第三 惠

今時帝釋天主見是福力現生果報  
 希有瑞相又知人天悉皆胥悅心頗  
 異之乃謂福力太子言太子汝今如  
 是勤修勝行有何所求太子自言天  
 主我為求證阿耨多羅三藐三菩提  
 果拯拔一切有情出生死海悉令安  
 住究竟涅槃時帝釋天主知福力太  
 子勤求阿耨多羅三藐三菩提深心  
 不動猶若須彌稱可其意作是讚言  
 善哉善哉大士汝有廣大最上願力  
 必當速證阿耨多羅三藐三菩提如  
 是言已隱身不現  
 復次於後彼國之王耆年而終其王  
 未立灌頂太子於是王之宗族臣佐  
 人民共會議言我等于今當令何人  
 紹灌頂位時一人言若有福力大名  
 稱者可宜紹位如是言已眾意悉同  
 即遣使人周行求訪  
 是時福力太子當繼王位善根開發  
 與諸侍從出遊園林太子行時道路  
 平坦觸處皆無荆棘砂礫於其中路

第三 惠字號

吉祥相現細雨散空旋布其頂異色  
 飛鳥順次宛轉童男童女發勝妙聲  
 踊躍奔馳咸生歡悅一切人眾身毛  
 喜豎皆得輕安又聞空中悅意之言  
 太子觀斯事相即起思念此相出現  
 我當決定紹灌頂位作是念已進詣  
 園中受諸福樂其園有一大無憂樹  
 華開茂威太子於彼安然寢寐諸同  
 往者樂華果故各於園中隨處遊賞  
 又復太子福威力故彼有龍王忽然  
 從地涌出千葉微妙蓮華其量廣大  
 色香具足最上可愛而彼龍王又以  
 神力徐置太子在蓮華上今時太子  
 都無動覺由是漸過食時日正中分  
 餘諸樹影悉皆移動唯無憂樹影覆  
 太子身如故不動又彼園中諸餘華  
 樹皆悉傾向大無憂樹吉祥勝相悅  
 意可觀  
 時福力太子夢見自身處穢污上又  
 見自身穢污所染又見自以舌舐虛  
 空又見自身蓮華中立又見自身上  
 起山峯又見眾人頂禮於已太子寤  
 已隨應占察如上所夢如我夢見自

太子福力王 卷五 惠

身在於穢汚上者我必應居灌頂王位大富自在斯為前相如我所見穢汚深身者我應處于大師子座如我所見上起山峯者我應於一切處常居最上如我所見眾人頂禮者我應為彼眾所尊重如是等事審占其相我今決定為灌頂王

尔時彼國臣佐先遣使人周行求訪到彼園中具見太子次第相續吉祥勝相心生驚異此大福力有大名稱即時速還具陳上事時諸臣佐聞彼言已皆生歡喜即依法儀悉備所須行詣園中授其灌頂到已見諸吉祥勝相

時福力太子即於微妙大蓮華上加趺坐以福力開發故四大天王奉天莊嚴大師子座帝釋天主奉天妙蓋及眾寶拂切利諸天奉種種寶嚴飾露慢散眾寶華如雲而下四大王天諸天子眾雨種種寶奏天微妙可愛音樂及散妙衣國中園林周遍清淨一切悉無荆棘砂磧豎立幢幡珠繒交絡設妙香瓶散諸異華與天宮

太子福力王 卷五 惠

等帝釋天主勅毗首羯磨天子普於園林悉令化出四寶所成廣大樓閣以備太子隨意受用時彼臣佐又觀如是希有勝相轉復異之咸各肅恭虔命太子處師子座頂禮尊奉如其法儀為授灌頂太子得灌頂已身出光明周徧照耀一由旬量映蔽日光而不顯現是時眾中有一類人見斯光已成悉稱言此勝光王一類人言此福力王

尔時福力王將入王城帝釋天主等於其王前隨依法儀作供獻已隱復天宮時福力王既入城已善布國政人民熾盛安隱豐樂息諸鬭諍却除他敵悉無賊盜飢饉疾病愛護人民猶如一子華果樹林悉皆茂盛時令不愆稼穡豐阜雨澤順時大地受潤復次其後王之四兄聞斯異事咸生驚怪共會議言福力太子勝過我等福慧二全以福力故為大國王最上大富稱可我心我等今時宜共往彼於是四兄同詣福力王所到已即時咸祝之言願汝最勝增長壽命又復

太子福力王 卷五 惠

讚言善哉大王汝昔要期今能固立福慧若斯勝過我等於他國中統王大位皆由汝勝福力所成我等親朋具悉瞻覩

時福力王從師子座歡喜而下致敬問訊如應施設高廣之座命彼諸兄次第而坐諸兄即令王復本座眾坐已定作諸供獻如先所論互談議已皆生決定歡喜之心時王起尊重意各以所奉如是集會過二三日王為諸兄及彼人眾開發令知福非福事說伽陀曰

無福者墮地獄中 受大苦惱常無間  
或墮餓鬼或畜生 受飢渴苦及負重  
無福之者壞其身 無福為奴重疲極  
無福墮於聾瘡中 無福愚鈍多邪慧  
無福之者魑魅著 無福之者醜形容  
無福多於下族生 無福心亂人所惡  
無福之者多迷惑 無福為他所輕謗  
無福之者諸所為 雖復勤力不成就  
無福之者身巖澀 悉無威光不可意  
無福之人凡所居 草木青潤成枯瘁  
無福人所不隨順 外境觸害亦復伏

諸惡鬼神羅刹等 常時侵燒無福者  
 無福者用藥治病 返成非藥病增劇  
 由無福故受貧窮 復為他人所輕慢  
 無福之人生子息 其性羸惡眾憎嫌  
 無福者雖眷屬多 常時離散生苦惱  
 無福者壞於眼目 而復相續諸苦生  
 多病皆由無福因 小生疾病固難差  
 無福之人多兇惡 無福常發惡聲  
 手指擎拳體不完 語言人多不信順  
 無福之人諸所有 王官水火盜賊銷  
 無福唯聞非愛言 觸處常生於驚怖  
 無福雖居平坦地 隨處旋當荆棘生  
 設或植種及經商 雖常多作無義利  
 無福者於一切時 所有財寶皆散壞  
 世間無少願戀心 實不可愛無善利  
 諸無福者如是相 智者當知皆破壞  
 福者所作善護持 於一切時無散失  
 福者所行不懈倦 常起堅固勇悍心  
 如蓋覆蔭廣無邊 復能制除諸惡兩  
 猶犢隨母常飼乳 福者如意善欲同  
 又如劫樹悅意觀 常獲一切所欲果  
 福者能具忍辱力 及得悅意大吉祥  
 信行深固可依從 生生皆具妙色相

福者廣布大名稱 能具多聞及智慧  
 見者咸生愛樂心 又能獲得聞持念  
 福者臨終無疾病 臨終亦復歡喜生  
 極惡境相不現前 遠離驚怖及苦惱  
 福者臨終受天樂 天宮樓閣現其前  
 切利諸天夜摩天 彼彼天人來引接  
 梵率天宮諸天子 化樂天眾亦復然  
 他化自在欲界天 咸來衛護於福者  
 福者猶如大梵王 俱胝天眾皆宗奉  
 於其一千梵界中 廣大尊勝而自在  
 福者諸所作皆成 復常處於快樂位  
 一切皆生愛樂心 乃至外境無觸害  
 是時諸兄及其人眾聞伽陀已於福  
 力王心皆信伏極大歡喜現世他生  
 顯明開示一向悉知福力最勝  
 時福力王為諸人眾廣說福事開發  
 心已觀察虛空作是念言快哉我今  
 可能徧於王城內外悉雨種種珍寶  
 衣服發是心時忽有種種殊妙衣服  
 及悅意華諸妙珍寶自天而降悉皆  
 充滿王城內外現是相時人天皆悅  
 咸生驚異悉起廣大淨信之心俱發  
 是言快哉天子有是福力具大威德

復次其後諸小國王聞是事已成起  
 思念彼王有大福力具大名稱我今  
 宜應往彼尊奉由是諸王共會一處  
 各領四兵所謂象馬車步兵眾同詣  
 福力王所下車前進肅恭伸拜合掌  
 自言天子大福具大名稱為大國王  
 威德特尊我等今時故來親奉  
 時福力王即復致問普為慰安如次  
 坐已并其官屬各與無價上妙珍寶  
 又以十善法門普為攝化是時諸王  
 俱獲勝利各還本國  
 復次其後父眼力王展轉聞知如是  
 奇事先遣使人詣彼國已自當速疾  
 與諸官屬終日竟夜促途前進父王  
 到已愛念子故即時遙見雙目淚垂  
 悲喜交盈聲哀心切速從車下前執  
 其手久而視之父王乃言我是汝父  
 汝必深知我今年耄衰朽若斯國政  
 甚難我不堪任今付於汝汝當負荷  
 言已即時卸自寶冠置於子頂子如  
 父教兼統其國

佛說福力太子因緣經卷第三

佛說福力太子因緣經卷第三

校勘記

- 一 底本，金藏廣勝寺本。
- 一 一七九頁中一行經名，徑、清作「佛說福力太子因緣經卷下」。卷末經名同。
- 一 一八〇頁中七行第七字「一」，清無。
- 一 一八〇頁下末行末字「伏」，磧、南、徑、清、麗作「然」。
- 一 一八一頁上三行「輕慢」，磧、南、徑、清、麗作「輕慢」。
- 一 一八一頁中一八行第一〇字「雨」，徑作「南」。



佛說福力太子因緣經卷第四 惠

要覽經卷第四 佛說福力太子因緣經卷第四 惠

復次福力王以至極盡閻浮提界都  
統王政國富自在威德特尊一切人  
民王悉周給珍寶財物以十善法普  
為化導時閻浮提人民熾盛安隱使  
樂息諸鬪諍却除他敵悉無盜賊飢  
饉疾疫亦無貧窮癯殘之者皆有財  
寶庫藏充滿眷屬廣多如意自在又  
復一切方處自然除去荆棘砂礫時  
令不慮雨澤溥潤華果茂盛稼穡豐  
阜人民咸知福力增勝常行布施作  
諸福事潔己清心修持戒行閻浮提  
人命終皆生四大天王其福力王廣  
為無數人眾開發善根現世他生作  
大利益有無數千人命終得生兜率  
天上

六十四因緣經第四 第二 庫 号  
足童子者今阿泥樓駄苾芻是智慧  
具足童子者今舍利子苾芻是彼時  
帝釋天主者今日乾連苾芻是而彼  
國王趣命終者即魔王是彼貧人者  
今羅睺羅苾芻是彼受治罰善醫業  
者今憍陳如苾芻是諸苾芻以是緣  
故當知福力而諸有情於一切時應  
廣修作諸勝行業故我先說彼福力  
者我不見有少法隨修作已多獲義利  
今時諸苾芻咸生疑念俱曰佛言世  
尊彼福力王乃往古世修何行業感  
是報應統王諸國具大名稱威德特  
尊受天人福諸有所須於思念間一  
切如應自天而降生時地動空中雨  
寶降師子座帝釋奉蓋現寶藏等是  
事云何願佛開決

佛言諸苾芻福力王者於累生中積  
修福業行願廣大緣力合集決定如  
應受勝福報又諸苾芻汝等當知一  
切有情所作行業皆非外緣可得亦  
非地界水界火界風界所成若善不  
善隨蘊處界起諸行業即說如陀曰  
假使經百劫 不壞諸業因

六度緣起

第三惠

因緣和合時

有情隨受果

諸茲芻我念過去久遠世時有佛出世號無能勝如來應供正徧知明行足善逝世間解無上士調御丈夫天人師佛世尊其佛普於世間作佛事已乃至最後於一國中入無餘依大涅槃界如薪盡火滅而彼國王收其舍利造立寶塔廣大供養其後諸芻芻衆鳴於犍椎擊鼓發螺普告大衆時芻芻等無數百千人集會一處彼大法師於吉祥日廣為諸人宣說法要是時國中有一博戲者名曰得勝深著博奕戲等事妻名廣勝子亦同名是人先積家財以博戲故內外財物輸於他人皆悉散蕩唯存所著氈衣二段并常持蓋革屣及五金錢其人一時忽作是言我不造福因受斯貧苦言已吁歎持如上物即出其舍訪求博戲次第行至說法之所見大法師處師子座人衆圍繞合掌聽法是人覩斯勝相生清淨心自念我今亦此聽法即以諸物置於一處合掌諦誠聽受所說時彼法師說伽陀曰

六度緣起

第四惠

人當修作諸福因

如彼所作勿間斷

隨其樂欲施作時

由福藏故獲妙樂

彼人聞是伽陀已乃思其言由福藏

故獲妙樂者我往世中不造福因故

受貧苦我今宜應隨力施作少分福

事即自惟忖我之家財悉已散蕩而

今但有隨身諸物是中取五金錢及

氈一段若行施者又慮貧劇致殞身

命若不布施永壞福因於他世中而

無所託我今以何方便能離貧苦存

活身命隨修福事不壞勝因然我今

者寧受飢貧必營福事宜以金錢及

氈衣施作是念時而彼法師又說伽

陀曰

善法應當速疾修 即能息除諸罪業

如是宜修勝福因 一切罪業非所樂

彼人復聞是伽陀已審思其言善法

速修斯為決定由是發起清淨施心

以所持蓋覆法師頂取其革屣安師

足下散五金錢布於座側舉氈衣段

被法師身心大歡喜身毛皆豎頂禮

雙足益生淨信發是願言願我以此

為法布施最上善根此生已往生生

六度緣起

第五惠

惠字

有大殊勝福力具大名稱受天人福

威德特尊統王諸國若有所須應念

即現勝相出生獲無盡藏其發如是

廣大願已時彼法師即為如應迴向

功德是時博戲者出離衆會唯存一

衣以覆其身還復其舍時妻及子見

已驚異念前所持諸物出外應為博

戲之所散蕩妻故問言仁者舍中但

存我及於子餘無所有豈非我等將

亦壞邪彼人由是轉增逼迫受貧窮

苦自省斯緣說伽陀曰

世間何苦勝貧苦 而貧苦與死苦同

寧當死苦尚甘心 彼貧窮苦不愛樂

說是伽陀已吁歎而往其後一時彼

妻持瓶詣井以汲雖復下徹得水其

力不能出之妻乃召夫令觀是事其

夫即時同力而舉亦不能出又呼其

子三人相與悍勇勞力方能小舉怪

而視之乃見其下有五鐵瓮滿盛黃

金聯接排置夫先見已驚異思念豈

非先施今獲其果熙怡瞻視說伽陀曰

奇哉功德現此處 一切過失悉蠲除

今所得由先種生 施者果報知如是

是時彼妻歡喜問言仁者勝相如是善語若斯其故何邪夫為如應廣說其事

復次後時彼得勝博戲者福力開發現獲斯果由是展轉徧流聲譽國中人民互相謂言奇哉希有殊特大福忽然能獲大富自在被人從是已後向佛法僧倍勝於前極生淨信日日於佛塔所廣大供養復於正法聽受修習又以上味飲食日供淨眾及餘沙門婆羅門孤露乞人亦復隨應供給所須悉令滿足又復廣營精舍令彼四方苾芻居止承事供養由是名聞流布城邑其後彼國王忽命終無紹繼者時諸臣佐親屬審知是人有大福力具大名稱共議勸請紹其王位時博戲者即隱本名人皆稱謂得勝大王  
時得勝王現獲如是悅意果報起猛利心勝前布施作諸福事修持戒行其王普為臣佐親屬一切人民開發福因已後趣命終即生他化自在天為彼天王之子生彼天時有諸上妙

悅意珍寶及眾衣飾自空而降身有光明映彼天眾光明不現彼天見已成皆驚歎希有勝福果報若斯

佛告諸苾芻言汝等當知彼得勝王者豈異人乎即先所說福力王是彼時初為博戲之者能發喜心愛樂聽法竭其所有以施法師故於現生獲勝果報紹繼王位開發福因由此因緣二十六生為他化自在天王三十六生為化樂天王三十六生為兜率天王三十六生為夜摩天王三十六生為忉利天王三十六生為四大王天主無數百生為金輪王正法統化於四天下七寶具足所謂輪寶象寶馬寶珠寶女寶主藏神寶主兵神寶如是七寶隨意受用復有千子最上色相勇健精進能伏他軍極海邊際大地境界悉無盜賊刀杖等怖威修正法安隱而住  
爾時世尊為諸苾芻說如陀曰  
大士如是諸勝因 多生得為勝主宰  
由佛普攝於世間 此是諸佛之所說  
若得聞是希有事 及此神通廣大緣

造黑業者尚信生 誰諸智者不開覺  
是故如是大希有 大威德者隨所求  
應當尊重正法門 復常思念諸佛教  
佛告諸苾芻如我所說汝等應當如是修學是故常勤愛樂正法尊重恭敬信奉供養如是作已為所依止如是學者得大利益  
佛說此經已諸苾芻等聞佛所說皆大歡喜信受奉行

佛說福力太子因緣經卷第四

佛說福力太子因緣經卷第四  
校勘記

一 底本，金藏廣勝寺本。